

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za privredu, Vlada Zeničko-dobojskog kantona, na 30. sjednici, održanoj dana 22.11.2019. godine, d o n o s i

ZAKLJUČAK

I.

Prihvata se Informacija o provedenim aktivnostima i realizovanim projektima sa finansijskim pokazateljima Regionalne razvojne agencije za regiju Centralna BiH, na području Zeničko-dobojskog kantona i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02-_____/19
Datum, 22.11.2019. godine
Z e n i c a

DOSTAVLJENO:

1x Ministarstvo za privredu,
1x a/a.

Dec-15
[Signature]



INFORMACIJA

o provedenim aktivnostima i realizovanim projektima sa finansijskim pokazateljima Regionalne razvojne agencije za regiju Centralna BiH na području Zeničko-dobojskog kantona

Oktobar 2019.g.

I DIO - UVOD

Regionalna razvojna agencija za Centralnu BiH - "REZ" je osnovana 24.02.2004. godine Osnivačkim aktom – Ugovorom o osnivanju društva sa ograničenom odgovornošću. REZ Agencija je zvanično registrirana 10.05.2004. godine kao Regionalna ekonomska zajednica „REZ“ d.o. Zenica. Inicijalni osnivači REZ Agencije su 32 osnivača (općine, Zeničko-dobojski kanton, udruženja/udruge poduzetnika, MKO LIDER, CHF International). Ugovor o pristupanju Društvu je 2005. godine potpisao Srednjobosanski kanton, a 2006. godine Udruga poduzetnika Vitez, te je broj osnivača REZ Agencije od 2006 konstantan – 34 osnivača (15 općina, 15 udruženja, 2 kantona, 1 MKO Lider i CHF-Community Habitat). REZ Agencija ima neprofitni karakter, što je definirano Statutom Agencije, Član.12. Članom 26. Akta o osnivanju i Članom 18. Statuta društva osnivači su se obavezali na sufinansiranje rada društva. Finansiranje rada društva od strane općina osnivača je regulirano Protokolom o načinu sufinansiranja operativnih troškova REZ Agencije iz 2009.godine.

Finansiranje REZ-a se vrši shodno ugovoru o osnivanju, a iz sredstava, koja se na prijedlog Ministarstva za privredu Odlukama Vlade izdvajaju iz Bužeta Kantona – Ekonomski kod: **614 500** – Pozicija Subvencije privatnim preduzećima i poduzetnicima, IAX004-Transfer za Regionalnu razvojnu agenciju (REZ). Vlada ZDK finansira REZ Agenciju od **2014.godine** (Odluka br. 02-14-1506/14 od 25.07.2014.g) u iznosu od 98.500 KM, 2015.godine u iznosu od 100.000 KM, a od 2016.g. 90.000 KM na godišnjem nivou. Sredstva se odobravaju kvartalno, a o utrošku istih Ministarstvo za privredu se redovno izvještava.

Vlada Zeničko-dobojskog kantona imenuje svog predstavnika u Nadzornom odboru. Od 2018.godine predstavnik Vlade ZDK u NO je Đenana Čolaković. Vladi i Ministarstvu privrede se dostavljaju godišnji programski i finansijski izvještaji u okviru rada godišnje Skupštine Društva. Delegirani predstavnik Vlade učestvuje u radu Skupštine. Organi Društva su regulirani Članom 27. Statuta Društva i čine ga Skupština, Nadzorni odbor i Uprava. Skupštinu čine svi članovi Društva i pored Zakonom definiranih nadležnosti Skupština bira članove Nadzornog odbora. Nadzorni odbor se sastoji od 5 članova koji predstavljaju osnivačku strukturu (kantoni, općine, udruženja privrednika i MKO). Nadzorni odbor imenuje Direktora koji čini upravu Društva. Realizacija aktivnosti REZ Agencije u općinama regije koje pripadaju Zeničko-dobojskom kantonu se odvija prema usvojenom i odobrenom godišnjem Planom rada REZ Agencije na godišnjoj Skupštini osnivača REZ Agencije.

II. DIO – PROVEDBENE AKTIVNOSTI

Misija djelovanja REZ Agencije je poboljšanje kapaciteta svih interesnih skupina u nastojanju da se poboljšaju ekonomske performanse regije Centralna BiH kroz podršku u korištenju fondova za ekonomski razvoj i pružanje podrške razvoju malih i srednjih preduzeća u cilju jačanja konkurentnosti regije i osiguravanja otvaranja novih radnih mjesta.

Aktivnosti REZ Agencije mogu se svrstati u dvije glavne skupine prema grupama osnivača:

- One koje se odnose na **identificirane potrebe općina i kantona**, gdje preovladava potreba za daljnjom izgradnjom kapaciteta za razvoj projekata, apsorpciju fondova, promociju regije i razvoj poslovnog okruženja, te
- **Potporu razvoju malih i srednjih poduzeća** kroz pružanje konsultantskih usluga, uspostavljanje poslovnih veza, podršku izvozu i ulaganjima, kao i promociju.

Aktivnosti svrstane prema slijedećim operativnim prioritetima:

- Upravljanje razvojem regije
- Razvoj ljudskih potencijala i tržišta rada za zapošljavanje
- Konkurentost regije
- Poljoprivreda i ruralni razvoj
- Međuregionalna saradnja i razvoj projekata

U našem poslovanju rukovodimo se razvojnom komponentom u skladu sa strateškim dokumentima i Akcionim planom Strategije razvoja ZDK, racionalnim poslovanjem i optimalnim zapošljavanjem, te nastojimo ostvariti pozitivni finansijski rezultat. U svih 15 godina poslovanja REZ Agencija je ostvarivala pozitivan finansijski rezultat.

Prema "Izveštaju bonitetne izvrsnosti" firme "Bisnode BH" d.o.o. (člana grupe BISNODE, Stockholm, Švedska) od 26.7.2018. godine, poslovni subjekt "Regionalna ekonomska zajednica "REZ" d.o.o. Zenica" **spada u viši razred bonitetne izvrsnosti u Bosni i Hercegovini**. Poslovni subjekt **ispunjava kriterije bonitetne izvrsnosti za 2018. godinu** i pripada grupi top poslovnih subjekata u Bosni i Hercegovini koji **imaju pravo na upotrebu statusa AA, kao simbola ocjene bonitetne izvrsnosti**. (Bonitetna ocjena predstavlja nadprosječnu bonitetnu vrijednost preduzeća – privrednih subjekata. Temelji se na završnim računima privrednih subjekata za posljednju finansijsku godinu i predviđa sigurnost poslovanja u narednih dvanaest mjeseci.). Status bonitetne izvrsnosti je u 2019.gosii povećan na **AAA** tj. najviši razred bonitetne izvrsnosti.

Finansiranje Agencije se realizira iz iz 3 izvora i) sredstava pribavljenih realizacijom projekata finansiranih od strane različitih donatora, ii) sredstava po zaključenim ugovorima o pružanju usluga i iii) sredstava osnivača; općina osnivača po osnovu Protokola o načinu sufinansiranja troškova REZ Agencije i Odluka o sufinansiranju kantona (SBK/KBS i ZDK).

i) U periodu od svoga osnivanja do danas, različite aktivnosti REZ Agencije su realizirane kroz implementaciju standardnih projekata, izrade strategija, analiza i studija izvodljivosti. Aktivnosti su imale različit utjecaj i značaj u ovisnosti od geografskog područja implementacije. Primjerice, **regionalni značaj** imaju sve aktivnosti koje su se provodile u svim općinama ili su rezultati aktivnosti imali utjecaj na sve općine regije Centralna BiH. **Mikroregionalni značaj** odnosi se na općine koje pripadaju određenom kantonu ili predstavljaju nekoliko susjednih općina regije. **Lokalni značaj** odnosi se na aktivnosti provedene u pojedinačnim općinama. **Međuregionalni značaj** imaju projekti koji su implementirani u međunarodnim konzorcijima.

Zbimi pregled utjecaja u geografskom smislu, konsolidiran **po područnom značaju**, prikazan je u slijedećoj tabeli:

Značaj aktivnosti	Broj poduzetih aktivnosti	Procent	Nominalna vrijednost	
			KM	EUR
Regionalni (regija Centralna BiH)	49	50,00	8.823.404,77	4.511.335,22
Mikroregionalni (nekoliko općina, bez obzira na administrativnu pripadnost)	24	24,49	3.525.725,35	1.802.674,75
Lokalni (za neku određenu općinu)	13	13,27	1.256.108,53	642.238,10
Međuregionalni (suradnja između regija unutar ili izvan BiH)	12	12,24	625.631,80	319.880,46
Ukupno aktivnosti	98	100,00	14.230.870,46	7.276.128,53

Od 2004.godine REZ Agencija je obezbijedila sredstva za **61** standardni projekat u vrijednosti **14.230.870,46 KM** (7.276.128,53 Eur)

ii) Prilivi po osnovu realizacije usluga u okviru projekata i drugih ugovora o uslugama su ostvareni u iznosu od **2.112.718 KM** što uključuje plaćeni iznos PDV od **279.719 KM**

iii) Dio sredstava za rad REZ Agencije se obezbjeđuje iz sredstava osnivača i to: općina osnivača po osnovu Protokola o načinu sufinansiranja troškova REZ Agencije iz 2009.godine i budžeta Zeničko-dobojskog i Srednjobosanskog kantona na osnovu Odluka vlada o finansiranju. **Vlada Srednjobosanskog kantona finansira rad REZ Agencije od 2012.godine**, a Vlada Zeničko-dobojskog kantona **od 2014.godine**. Ukupni prilivi od osnivača od 2004.godine iznose **2.439.832,00 KM**.

Procentualni pregled priliva po njihovoj strukturi, a koji su se odnosili na period 2004-2019, te su realizirani u ovom izvještajnom periodu, dat je u slijedećem tabelarnom pregledu:

JE-19

Osnivači općine i kantoni	22 %
Usluge (projekti i usluge po drugim osnovama)	19 %
Projekti (donacije)	60 %

Rashodi

U ukupnom period 2004-2019 (I.polugodište) struktura rashoda po godišnjim finansijskim izvještajima je data u sljedećoj tabeli:

Rashodi	KM
Neto plate	2.907,022
Doprinosi	1.855,102
Ugovori o djelu (za realizaciju projekata)	1.549,746
Transferi po projektima i dobavljači	4.166.633
PDV	279.719
Ostalo	539.360
Ukupno	11.297.582

Napomena: Izvor podataka su zvanični finansijski izvještaji REZ Agencije.

U ukupan prihod nisu uključeni transferi partnerima REZ Agencije u implementaciji projekata (grantovi, transferi, donacije).

REZ Agencija je registrirana kao d.o.o. i ispunjava sve finansijske obaveze shodno propisima o finansijskom poslovanju. Na osnovu priložene strukture prihoda i rashoda je vidljivo da je samo ukupni iznos uplaćenih doprinosa i pdv ca 19 % (2.134.821 KM), a učešće osnivača u finansiranju REZ Agencije je 22 % (2.439.832,00 KM)

REZ Agencija trenutno ima 9 zaposlenika. Broj zaposlenika u 15-godišnjem period se kretao od 9 do 27 zaposlenika.

Od 2004.godine do juna 2019.godine REZ Agencija je implementirala 61 projekat, 9 strategija i fondova, 28 publikacija/studija u vrijednosti od **14.230.870,46 KM** i dodatnih 28 projekata u zajednici (obnova škola ,vrtića, centara sa svrhom socijalnih usluga) u vrijednosti od **968.540,00 KM**, detaljni podaci na www.rez.ba.

III.DIO – REALIZIRANI PROJEKTI

Vrijednost projekata i aktivnosti koji su u periodu 2004-2019 realizirani u općinama **Zeničko-dobojskog kantona** je **7.343.755,28 KM**. Neki od najvažnijih rezultata kroz implementaciju razvojnih projekata koji se odnose na općine ZDK u periodu do 2014.godine su:

- Početak procesa strateškog planiranja ekonomskog razvoja – izrađena Regionalna razvojna strategija za regiju Centralnu BiH (2004-2006; 2006-2015)
- Razvojni fond za ekonomske aktivnosti neprofitnih organizacija implementiran u regiji, kroz grant podršku podržano 16 NVO i zadruga u ukupnoj vrijednosti od 200.000,00 KM, podržana proizvodnja malina.
- **Prve klasterske inicijative** - Uspostavljen drvoprerađivački klaster, opremljen **CAD/CAM** kabinet, kreiran program i prve obuke u CNC programiranju u suradnji sa Srednjom stručnom školom u Tešnju.
- Prva **"Studija opravdanosti uspostavljanja industrijskih zona u općinama regije Centralna BiH"**, obuhvaćeno 16 općina regije koja je urađena uz podršku Vlade ZDK i omogućila definiranje kriterija za poticaje u infrastrukturi
- Ustanovljen **"Centar za izvrsnost u drvoprerađi"**u okviru Univerziteta u Zenici

- JFK-7
MZ
- Osnovana **Cisco akademija** mrežnih tehnologija u okviru REZ Agencije uz podršku Vlade Zeničko-dobojskog kantona koja je do sada obrazovala 143 operatera za Cisco mrežne tehnologije
 - Formiranje općinskih **razvojnih timova** kao nukleus razvojnih timova općina i kontinuirana edukacija istih za pripremu i implementaciju projekata u skladu sa strategijom.
 - Edukacija svih općinskih timova o **uspostavljanju i upravljanju poslovnim zonama** u saradnji sa GIZ-om
 - Master plan razvoja turizma i očuvanja prirodnih vrijednosti i kulturno-historijskih spomenika na području općina Vareš i Kakanj - sa posebnim osvrtom na stavljanje Kraljevskog grada Bobovca i Kraljeve Sutjeske u kontekst turističke ponude.
 - Analiza "MSP Sektor 2008 – Procjena stanja i prepreke sa kojima se suočava lokalni sektor malih i srednjih preduzeća u Zeničko-Dobojskom kantonu", istraživanjem obuhvaćeno oko 200 preduzeća iz sektora.
 - **Regija Centralna BiH uključena u program prekogranične suradnje IPA CBC BiH-Hrvatska** zahvaljujući lobiranju REZ Agencije putem Direkcije za evropske integracije.
 - Uspostavljanje tehnološkog parka u Zenici – prva faza -odobren **projekt "MENTOR"** u partnerstvu sa ZEDA Agencijom za pokretanje **laboratorije za testiranje namještaja**. Projekat pripremila REZ Agencija.
 - Program "**Izgradnja kapaciteta Regionalne razvojne agencije REZ i općina u Centralnoj BiH u oblasti privlačenja investicija sa fokusom na razvoj poslovnih zona**", kreiran set instrumenata za razvoj poslovne infrastrukture (kroz implementaciju projekta "SET - Podrška izvozu i trgovini"), kao što su:
 - ✓ izrada "Analize poslovne infrastrukture kao osnove za razvoj poduzetništva i privlačenja investicija u općinama regije Centralna BiH",
 - ✓ edukacija i tehnička asistencija općinama u uspostavljanju poslovnih zona,
 - ✓ izrada "Priručnika za uspostavljanje i upravljanje poslovnim zonama".
 - Portal "**Bestinvest**" za promociju investicija u općinama regije Centralna BiH, u okviru kojega su predstavljene i sve industrijsko-poslovne zone. (Portal na nivou FBiH uspostavljen tek prošle godine)
 - Ukupno je oko **900** firmi dobilo podršku od strane REZ Agencije kroz edukaciju, poslovne usluge i uvezivanja.
 - Projekt "**STARTER** – edukativni program za poboljšanje mogućnosti za samozapošljavanje" čime je uspostavljen model za integralnu i institucionalnu podršku za pokretanje preduzeća u 5 općina (Busovača, Travnik, Novi Travnik, **Maglaj i Žepče**), razvijeno je ukupno 35, a finansijski podržano 15 poslovnih planova za nova (start up) preduzeća.
 - Rekonstrukcija spomenika graditeljskog naslijeđa Delibegov han u Maglaju kroz projekt "Prošlost za budućnost" iz Evropskog fonda
 - Prvi IPA **I Adriatic projekat** u regiji - Mreža za suradnju između **klastera** povezanih sa nautičkim i sektorom brodogradnje kroz međuregionalni projekt "Adriatic Economic Cluster Club" sa fokusom na firme u općini Tešanj.
 - Uporedo sa implementacijom standardnih projekata, REZ Agencija je zahvaljujući uspostavljenoj suradnji sa donatorskim organizacijama iz Holandije, od 2006. godine implementirala i tzv. **Projekte u zajednici** ili humanitarne projekte širom regije Centralna BiH. Projekti u zajednici maju za cilj poboljšanje uvjeta učenja za učenike osnovnih škola, a humanitarni projekti odnose se na obnove javnih kuhinja, domova kulture ili sponzoriranje društvenih aktivnosti. Ukupna vrijednost **32 projekta** ove vrste u periodu 2006-2018 je **948.540,00 KM**, od toga se 12 projekata odnosi na ZDK. Detaljnije o "Projektima u zajednici" dostupno je na stranici <https://www.rez.ba/portfolio/>
 - REZ Agencija je pružila institucionalnu podršku kod osnivanja **lokalnih razvojnih agencija** u općinama ZDK kako bi putem mreže agencija povećala kapacitet apsorpcije fondova



REALIZIRANI PROJEKTI - Period 2014-2019

Vlada Zeničko-dobojskog kantona finansira REZ Agenciju od 2014.godine. Ukupan iznos s kojim je Vlada ZDK učestvovala u finansiranju REZ Agencije u ovom period iznosi 503.500 KM.

Važniji rezultati koje navodimo za ovaj period:

- REZ Agencija ulazi u Mrežu za certificiranje općina i gradova sa povoljnim poslovnim okruženjem u FBiH (BFC SEE Program), REZ Agencija je članica Savjeta Mreže sa 2 certificirana evaluatora i 1 verifikatorom. Kontinuirana asistencija općinama od osnivanja u izgradnji kapaciteta za lokalni ekonomski razvoj i unapređenje poslovne infrastrukture, kao i promocija i tehnička asistencija općinama je doprinijela da je 50 % svih certificiranih općina u FBiH iz Zeničko-dobojskog kantona.
- Završen petogodišnji projekt "Podrška lancima vrijednosti u okviru USAID/Sida FIRMA" za metal i drvo koji je rezultirao realizacijom oko 50 projektnih aktivnosti, koje su između ostalog uključivale organizaciju učešća bh. preduzeća na **9 međunarodnih sajmova** i organiziranje poslovnih susreta za kupce iz Nizozemske.
- Implementacija projekta "**Prerada komunalnog otpada kao alternativnog goriva u cementnoj industriji u BiH**", kojemu je cilj smanjenje upotrebe fosilnih goriva i smanjenje komunalnog otpada u regionu. Nosilac projekta Tvornica cementa Kakanj, GLZ - program njemačke vlade Developpp.de. Urađene analize od regionalnog značaja
Analiza iskustava u proizvodnji i korištenju RDF u Jugoistočnoj Evropi
Utjecaj komunalnog otpada na okoliš na području ZDK, SBK/KSB i Sarajevskog kantona
Studija izvodljivosti implementacije/realizacije proizvodnje goriva iz otpada (RDF – Refuse Derived Fuel) na području ZDK
Preporuke za općine, komunalna preduzeća, regionalne deponije i privatni sektor o uspostavljanju infrastrukture za proizvodnju goriva iz otpada (RDF).
- Program stručne obuke i zapošljavanja radne snage u firmama Zeničko-dobojskog kantona (7) u kojemu je **699 osoba zasnovalo radni odnos**. Partneri u projektu (USAID GOLD, Ministarstvo rada ZDK, općine Visoko, Maglaj, Zavidovići, Olovo, Federalni Zavod za zapošljavanje) u periodu 2014-2016
- Međuregionalni projekt iz IPA I prekogranične suradnje "**BLUETECH (Bluetech Adria Cluster)**", u kojemu je kapitalizirano iskustvo i resursi stvoreni kao rezultat projekta "Adriatic Economic Cluster Club", Dokument od regionalnog značaja "Studija izvodljivosti za razvoj makroregionalnog klastera zelenih tehnologija i novih materijala jadransko-jonske regije
- Implementacija višegodišnjeg projekta "**Market Makers - Unaprijeđenje pristupa mogućnostima za unosno i dostojno zapošljavanje mladih žena i muškaraca u dobi od 15 do 29 godina.**", koji je u 2017. godini rezultirao provedbom inicijative za razvoj sektora poslovnih usluga, u saradnji sa općinama Tešanj, Žepče, Teslić zaposleno 12 osoba kroz start up program.
- Studija opravdanosti "**Toplifikacija Pousorja** (općine Tešanj, Usora i Doboj Jug) obnovljivima izvorima energije" urađena prema instrukcijama Ministarstva za privredu ZDK i u skladu sa Zakonom o JPP.
- Započela implementacija projekta "**Uvođenje sistema upravljanja za tokove posebnih kategorija otpada u dva kantona u Bosni i Hercegovini**" 2018-2021. Nosilac projekta Alba Zenica. REZ Agencija je partner u implementaciji u ime GLZ - developpp projekta. Općine implementacije projekta su Zenica, Žepče i Tešanj.
- U skladu sa potrebama Ministarstva privrede ZDK REZ Agencija je zadužena da pruži **tehničku asistenciju u sprovođenju mjere „Program podrške fizičkim licima i registriranim obrtima sa područja Zeničko-dobojskog kantona za učešće u programu subvencioniranja administrativnih troškova kod pokretanja poslovnih ideja i registracije privrednih subjekata**" tako što će vršiti pripremu aplikacija za izradu poslovnih planova u ciklusima edukacije i pružati usluge mentoringa za kandidate kojima budu odobrena sredstva. Poslovni savjetnici REZ Agencije će pratiti startup-e tokom 6 mjeseci kroz usluge mentoringa. Od avgusta 2019.g je u toku edukacija aplikacija koji su se prijavili na Javni poziv. U toku mjeseca oktobra će biti završena edukacija, a nakon dodjele sredstava i registracije start upa REZ Agencija će pružati mentoring usluge novoosnovanim formama.
- U ovom periodu je održano 6 treninga za upravljanje projektima po PCM metodologiji za općine ZDK i službenike Kantona. (ukupno održano 40 sa ca. 700 učesnika u cijelom periodu).

- Dec 13
[Signature]
- Aplikirano u konzorcijima ili samostalno na ca. 60 projekata, 50 % se odosi na općine ZDK.
 - Zajedničkim naporima UNZE, ZEDA i REZ uspostavlja se novi studijski odsjek na Mašinskom Fakultetu UNZE, Dizajn i tehnologije u drvoprerađi

Zaključak

Imajući u vidu činjenice da :

- Regionalna razvojna agencija za Centralnu BiH-REZ ima izgrađene kapacite i reference za povlačenje fondova i implementaciju projekata od lokalnog, kantonalnog i međunarodnog značaja koje razvija i implementira u skladu sa strateškim dokumentima i potrebama Zeničko-dobojskog kantona, što će u narednom periodu predstavljati značajan resurs kada se očekuje kandidatski status BiH, te konsekventno povećanje fondova i stvaranje novih- je Agencija značajna institucija za izgradnju kapaciteta ostalih partnera i institucija na lokalnom i kantonalnom nivou za povlačenje fondova i implementaciju projekata, kao i njihovo umrežavanje radi povećanja efekata za ekonomski razvoj, što je kontinuirana potreba u kantonu i regiji,

- da je Agencija važan nosilac Programa razvoja male privrede Zeničko-dobojskog kantona, naročito u oblasti promocije poduzetništva, te da je

- da je Agencija važna karika u iniciranju razvoja poslovne infrastrukture radi unapređenja poslovnog okruženja, čime doprinosi poboljšanju konkurentnosti kantona i internacionalizaciji poslovanja,

Smatramo strateški značajnim, svrsishodnim i opravdanim da Zeničko-dobojski kanton nastavi finansiranje REZ-a.

v.d. direktor

Maja Kišić



29-07-2019

04

1743

T-601

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 15. sjednici održanoj, dana 25.07.2019. godine, d o n o s i

ZAKLJUČAK

I.

Zadužuje se Ministarstvo za privredu da dostavi Informaciju o provedenim aktivnostima i realizovanim projektima sa finansijskim pokazateljima Regionalne razvojne agencije za regiju Centralna BiH, na području Zeničko-dobojskog kantona.

II.

Zaključak stupa na snagu danom donošenja.

Broj: 02-14-1229/19
Datum, 25.07.2019. godine
Zenica

DOSTAVLJENO:
1x Ministarstvo za privredu,
1x a/a.

